



Broj: 03-36-1481/23
Vogošća, 06.09.2023. godine

Na osnovu člana 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22) i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15 i 9/20), Općinski načelnik dana 06.09.2023. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA REKONSTRUKCIJI
DJEČIJEG IGRALIŠTA-TRG ŽRTAVA GENOCIDA U SREBRENICI**

Član 1.

Poništava se Otvoreni postupak nabavke radova na rekonstrukciji dječijeg igrališta-Trg žrtava genocida u Srebrenici broj: 03-36-1481/23, jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 31.07.2023. godine donio Odluku o pokretanju Otvorenog postupka nabavke radova na rekonstrukciji dječijeg igrališta-Trg žrtava genocida u Srebrenici, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 31.07.2023. godine pod brojem: 1353-1-3-164-3-148/23.

Sažetak Obavještenja o nabavci objavljen je u "Službenom glasniku BiH" broj: 54/23 od 04.08.2023. godine.

Tendersku dokumentaciju sa Portala javnih nabavki BiH je preuzelo 16 (šesnaest) ponuđača. Krajnji rok za dostavu ponuda bio je 28.08.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 28.08.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-36-1481/23 iz jula 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Glovis" d.o.o. Zenica	56.820,00	/	/	66.479,40
2	"Babel" d.o.o. Sarajevo	56.995,00	/	/	66.684,15
3	"Green servis" d.o.o. Sarajevo	57.000,00	/	/	66.690,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Glovis" d.o.o. Zenica ne ispunjava formalno-pravne uslove tražene Tenderskom dokumentacijom i to:

U Obrascu za cijenu ponude-Aneks 3 TD-kroz Napomenu 1 je propisano da je Ponuđač obavezan popuniti kompletan Obrazac za cijenu ponude, prema utvrđenoj šemi.

U slučaju da ponuđač ne popuni kompletan obrazac, izmjeni opis, ili jedinicu mjere po bilo kojoj stavci u Obrascu za cijenu ponude ponuda će biti odbačena kao neprihvatljiva (nijedno polje u tabeli ne smije ostati nepopunjeno, čak iako se radi o iznosu 0,00 KM).

Ponuđač "Glovis" d.o.o. Zenica je u svojoj Ponudi (strana 9. Ponude) propustio da popuni rubriku Ukupno bez PDV-a, te je na taj način odstupio od jasno postavljenog zahtjeva ugovornog organa iz TD da nijedno polje u tabeli ne smije ostati nepopunjeno, čak iako se radi o iznosu 0,00 KM.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Ponuda ponuđača "Babel" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

U Obrascu za cijenu ponude-Aneks 3 TD-kroz Napomenu 1 je propisano da je Ponuđač obavezan popuniti kompletan Obrazac za cijenu ponude, prema utvrđenoj šemi.

U slučaju da ponuđač ne popuni kompletan obrazac, izmjeni opis, ili jedinicu mjere po bilo kojoj stavci u Obrascu za cijenu ponude ponuda će biti odbačena kao neprihvatljiva (nijedno polje u tabeli ne smije ostati nepopunjeno, čak iako se radi o iznosu 0,00 KM).

Ponuđač "Babel" d.o.o. Sarajevo je u svojoj Ponudi (strana 10. Ponude) propustio da popuni rubriku Ukupno bez PDV-a, te je na taj način odstupio od jasno postavljenog zahtjeva ugovornog organa iz TD da nijedno polje u tabeli ne smije ostati nepopunjeno, čak iako se radi o iznosu 0,00 KM.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Ponuda ponuđača "Green servis" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 8.1.9. i 8.1.10. TD je propisano da se sve stranice ponude označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio počinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno.

Izuzetno od navedenog, ponuda neće biti odbačena ukoliko su stranice ponude numerisane na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.

Ponuđač "Green servis" d.o.o. Sarajevo je u svojoj Ponudi izgubio kontinuitet numerisanja stranica na način da nakon stranice 66. u Ponudi dolaze stranice broj 71., 72., 73., 74., 67., 68., 69., 70., 75. itd.

Komisija za javne nabavke je smatrala da stranice u Ponudi ponuđača "Green servis" d.o.o. Sarajevo na ovaj način nisu ispravno numerisane, jer nije zadržan kontinuitet numerisanja, te je na ovaj način Ponuđač odstupio od jasno propisanog zahtjeva ugovornog organa iz TD, kao i relevantnih odredbi člana 8. stav 7. i 8. Uputstva za pripremu modela tenderske dokumentacije i ponuda kao podzakonskog akta.


Ponuđač "Green servis" d.o.o. Sarajevo je u svojoj Ponudi propustio da odstavi katalog ili kataloški list za antistres gumenu podlogu (stavka pod rednim brojem 5. u Aneksu 3 TD), dok za cijevni tobogan (stavka pod rednim brojem 7. u Aneksu 3 TD) dostavljeni katalog ne odgovara karakteristikama propisanim TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju otvorenog postupka nabavke radova na rekonstrukciji dječijeg igrališta-Trg žrtava genocida u Srebrenici, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





Dostavljeno:

1. "Glovis" d.o.o. Zenica
2. "Babel" d.o.o. Sarajevo
3. "Green servis" d.o.o. Sarajevo
4. Nadležnoj Službi
5. U dosije
6. a/a

info@glovis.ba
adnan@babel.ba
info@greenservis.ba